

KOMITÊ DI SKOLAS DI SIDADI DI BOSTON



Pa: Komitê di Skolas di Boston
cc: Superintendente, Brenda Cassellius
Di: Jeri Robinson, Presidenti
Ref.: Nomiason di Forsa-Tarefa pa Aprendizes di Inglês:
Rafaela Polanco Garcia, co-Presidenti; Roxy Harvey, membru
Data: 2 di Fevereru di 2022

É nha pazer di formalmenti nomea dós pesoas oji noti ki foi selesionadu pa Forsa-Tarefa di Aprendizes di Inglês (ELL) di Komitê Eskolar di Boston. Primeru, N sta nomeia membru di Komitê Rafaela Polanco Garcia pa sirbi komu co-presidenti di Forsa-Tarefa djuntu ku Suzanne Lee ki dja sirbi komu co-presidenti pa txeu tenpu. Sra. Polanco Garcia ta asumi kargu di lideransa ki era okupadu antis pa Ernani DeAraujo, kujo mandato na Komitê Eskolar kaduka na janeru. Tanbé N sta nomeia Roxi Harvey, presidenti di Konsedju Konsultivo di Pais di Edukason Spesial di Boston (SpEdPAC), komu membru di Forsa-Tarefa ELL.

Sra. Polanco Garcia é mãe di alunu na BPS i imigranti, ku formason na direito i advokasia bilíngue. Se ativismo na nomi di komunidadadi latina na edukason, ta inklui trabadju na kanpanha di "No on 2" na 2016, se djuda ku aprovason di un resoluson di skolas-santuário i aprovason di Student Opportunity Act (Lei di oportunidadi di alunu). Desdi 2015, el ten atuadu komu Diretora di Envolvimentu di Pais i el organiza Programas di Jovens di St. Stephen na South End.

Sra. Harvey é mãe di alunu na BPS i el ten atuadu komu presidenti di SpEdPAC desdi 2019, undi el representa más di 10.000 alunos di BPS ku difisiensia. El ten stadu ta partisipa na runions di Forsa-Tarefa ELL komu membru di publiku pa más di un ano, i el ta trazi se vasto konhesimentu sobri asuntus di edukason spesial.

Stabelesidu pa Komitê Eskolar di Boston na 2009, Forsa-Tarefa ELL ta sirbi komu un órgon di monitoramentu i parseru di ideias ki ta apoia BPS na atendi nesisidadis di nos distrito ki sta kada bez más multikultural i multilíngue. Kuasi un na kada dós alunos ta fala un idioma alen di inglês na kasa i kes alunos ta ben di 139 países diferentis.

Ku ses speriensia pesoal i prufisional, Sra. Polanco Garcia i Sra. Harvey ta serbi komu valiosas adison pa Forsa-Tarefa ELL. N sta ansiosa pa diskuti ses nomiasons es noti i N sta pidi ki Komitê toma providensias sobri es asuntu na nos próximi runion.